

Edizione diplomatico-interpretativa

bn d(e) uentadorn.	Bn de Ventadorn.
I	I
<p>Bel mes queu chant enaiçel mes. can flor e fuila uei parer. eu au lo chan pel broil espes. de ruginol mati e ser. adonc mi par queu aia iausimen. dun uerais ioi en qe mo(n) cor saten. car eu sai be(n) q(ue) per amor morai.</p>	<p>Bel m'es q'eu chant en aiçel mes can flor e fuila vei parer; eu au lo chan pel broil espes de ruginol mati e ser; adonc mi par q'eu aia iausimen d'un verais ioi en qe mon cor s'aten car eu sai ben que per amor morai.</p>
II	II
<p>Amor aical honor uos es. ni cal pro uos en pot cader. saucies celui cauetz près q(ue)n uer uos no sausa mouer. laig uos esta car dol de mi nous pren camat aurai en perdon lo(n)jame(n).</p>	<p>Amor, ai cal honor vos es ni cal pro vos en pot cader, s'aucies celui c'avetz pres que'nver vos no s'ausa mover? Laig vos esta car dol de mi no·us pren camat aurai en perdon loniamen.</p>
III	III
<p>Plus uei q(ue) preiar ni merce. ni seruir nom pot pro tener. per amor de deu mi feses mi domnu(n) pauc de bo(n) saber. qe gran ben fa un pauc d(e)iausimen. aisil qui traita(n) mal co(m) eu sen. esaisi mor reqere(n) li serai.</p>	<p>Plus vei que preiar ni merce ni servir no·m pot pro tener, per amor de Deu, mi feses mi domn'un pauc de bon saber! Qe gran ben fa un pauc de iausimen aisil qui trai tan mal com eu sen; e s'aisi mor, requeren li serai.</p>
IV	IV

<p>Grat nagra sil maucies. cadonc nagra fait son plaser. mal seu cors francs et cortes lo g(en)cer com pusca ueser. nagra esglai e peniterasen. ia non creirai no(m) am cubertamen. mas [...]ela se uar me p(er) plan esai.</p>	<p>Grat n'agra s'il m'aucies, c'adonc n'agra fait son plaser; mal seu cors francs et cortes, lo gencer c'om pusca veser n'agra esglai e penitera s'en; ia non creirai no m'am cubertamen mas [...]ela se var me per plan esai.</p>
V	V
<p>Gran mal ma fait ma bona fes q(u)im degra uas midon ualer ear ai falit emes pres per trop amar e per temer, ar qe farai ailas. cami dolen. catotz autres es de bel acuilime(n). e ami sol dona pene esglai.</p>	<p>Gran mal m'a fait ma bona fes qui·m degra vas midon valer e ar ai falit e mespres per trop amar e per temer ar qe farai? Ai las! Cami dolen, c'a totz autres es de bel acuilimen e a mi sol dona pen'e esglai.</p>
VI	VI
<p>El mon non es mas una res. per qe gran ioi pogues auer ni daicela no laurai ges. ni daltra nola posc uoler. car per lei ai pretz e ualor esen. en son plus gai eten mo(n) cor pl(us) gen. esil no fos ia nom me ser en plai.</p>	<p>El mon non es mas una res per qe gran ioi pogues aver: ni d'aicela no l'aurai ges, ni d'altra no la posc voler; car per lei ai pretz e valor e sen, en son plus gai e ten mon cor plus gen, e s'il no fos, ia no·m meser'en plai.</p>

- letto 185 volte